

399

# AD QVODLIBETARIAM QVAESTIO MEDICA MATVTINIS AGITANDA DISPVATIONIBVS

IN SCHOLIS MEDICORVM, DIE IOVIS V. FEBRVARIL M. PH. HARDVINO DE S. IAQVES,  
DOCTORE MEDICO, MODERATORE.

*An fetus integra formatio diuersis temporibus absoluitur?*



Vm omnibus animantibus fatalis insit moriendi necessitas, finisque ab origine pendeat, propter principiorum ex quibus constamus repugnantiam, & insiti caloris efficientiam, quæ temporum ætatumque decursu nos sensim in extremum senium, mortemque deducunt, natura sui operis conferuendi studiosa, tot densisque funeribus ita prouidit vt singulorum hominum casus, perpetua sobole, ortuque vicario compensaret, in eum finem, non solum vim procreandi, sed etiam commoda instrumenta iis consulit, quibus etiam incredibilem adiecit voluptatem, ne ab opere tam vili sed ad speciem conferuendam necessario, distrahentur. Tanta enim vis est huius cupiditatis, vt bruta etiam stimulet ad sui generis propagationem, sed statim solum temporine. Quod fit vt statum tempus habeant & parandi & partus gerendi. At homo quouis tempore gignit & gignitur, sed verno securius, quò magis abundat sanguine, & meliore fruitur valetudine.



St autem procreatrix facultas omnium naturalium prima & vltima. Quæ vt pueris denegatur sic viget adultis & iuuenibus: languet senibus & valerudinariis: Deficit verò mulieri viro frigidiori, qui sanguinem attractum percoquunt, & in seminis substantiam conuertunt. Quorum tanta vis est & dignitas, vt non solum cordi quoad speciei tutelam, præferantur, sed etiam suâ præsentia virilem habitum, calorem auctiorem, maius robur, vitamque præstent salubriorem. Quamobrem nulla potior causa est dissoluendi matrimonij, quàm quæ petitur ab eorum defectu, vel nimia refrigeratione, quæ vel steriles vel ignauas ad venem efficit.



Ex tribus quæ ad hominis generationem concurrunt facultatibus, procreatrix in vtero dominatur, vt quæ ex semine & sanguine menstruo, duobus vitæ nostræ principijs, nouam producat substantiam. Cui hac in re duæ nutrix & auctrix opitulatur, dum illa materiam, hæc quantitatem genitura tribuit: vt per nutritionem aucta tot tantisque partibus constituendis sufficiat. Interim dum suo vacat muneri duplici vitur facultate: vna quidem alteratrice, quæ primis vsa qualitatibus subiectam materiam immutat, & ex ea cuiusque partis similis substantiam producit. Cuius idcirco nulla alia forma est, quam temperies: Altera formatrice, quæ miro quodam artificio partes organicas effingit, & eleganti serie distinguit. Ex quo fit vt cœlesti cuidam virtutis rerum omnium seminibus infusa accepta feratur.



Ed quoniam perfecta animantia, maris in alio & femine in se ipsa generantis, sexu distinguuntur, ab vtroque semen conferri necessesse est, vt ex vtroque tertium quidpiam promanet, quod speciei & formæ vtriuslibet sexus similitudinem, moresque & naturam referat, quod vt fiat duo maxime requiruntur. Prius vt semen sit probe coctum, substantia crassum & glutinosum, colore album, quantitate moderatum, origine à toto deciduum, multoque spiritu perfusum & virtute animatum. Quale semen non solum est, sed etiam diffunditur. Alioquin si sit frigidum & imbecillius, quale ab ægris, senibus & temulentis profunditur, si non sit æquum, vel erit abortiuum, vel paternorum vitiorum vehiculum: Alterum est vt in organis nec bona temperies, nec iusta symmetria consideretur, maxime verò in vtero naturæ fundo, qui nec æstu nimio semen torrere, nec frigore extinguere, nec humoris copia obruere, nec denique siccitate possit corrumpere.



Concepto iam semine factum naturæ legibus procreari conuenit. Quod opus est facultatis formatricis in semine latentis: quæ statim ab initio partium solidarum & principum, caloris & spiritus ope, prima ducit lineamenta, omniumque conformationem simul aggreditur, sed non pari tempore perficit. Quum enim magna sit earum in magnitudine, dignitate, vsu & robore varietas, non potest pariter vniuersas promouere: Vnde citius alia, plures tardius formam integram consequuntur: Sic iecur inter partes principes primum emicat, cæteris nutritionem & augmentum præbiturum, viscerumque & musculorum interstitia carne sensim repleturum. Sequitur cor viscerum calidissimum, ex simili sanguine constatum, suo vitali calore actiones longè vegetiores redditurum: postremum omnium cerebrum, frigidum & humidum perficitur: tumque fetus sensu motuque animali donatur. Quod celerius accidit maribus quàm feminis. Absoluto ita fetui rationalis anima cœlitus infunditur, quem ita perficit, vt cæteras facultates quæ prius inerant, sibi subiciat & complectatur.

*Ergo fetus integra formatio diuersis temporibus absoluitur.*

Asserebat LVTTETIE IOANNES PIETRE Parisinus, anno Domini 1609.

DOMINI DOCTORES DISPVATVRI.

M. Stephanus de la Font.  
M. Carolus Bouvard.  
M. Claudius Charles Professor Regius.

M. Gairinus Vignon.  
M. Dionysius Guerin.  
M. Iacobus Latus.

M. Ioannes Beauchefne.  
M. Ioannes Flautin.  
M. Bartholomæus Perducis.

